

**Naalackersuisunut ilaasortanut immikkut siunnersortinik atorfinitsitsisarneq aamma aningaasarsiaqartitsisarneq pillugu kaajallaasitaq 1. januar 2014-imeersoq**

*Immikkut siunnersortit*

§ 1. Naalackersuisut Siulittaasuata Naalackersuisoqarfiani immikkut siunnersortit arlaqartut atorfinitsinneqarsinnaapput. Naalackersuisoqarfiit sinnerini immikkut siunnersorti ataaseq atorfinitsinneqarsinnaavoq.

*Suliassat*

§ 2. Immikkut siunnersortit Naalackersuisut Siulittaasuannut aamma Naalackersuisunut ataasiakkaanut Naalackersuisunut Siulittaasutut aamma Naalackersuisutut sulinerannut ilaatillugu siunnersuineramik ikuiunnermillu sullississapput.

*Imm. 2.* Naalackersuisut Siulittaasuata aamma Naalackersuisut ataasiakkaat, suliassat immikkut siunnersortimit suliarineqartussatut ikuiuffigineqartussatullu kissaatigineqartut nassuiassavaat. Ilanngullugit immikkut siunnersortit ikuiuffigisinnaavaat:

- 1) Politikkikkut oqallifinnut assigiinngitsunut atatillugu oqalugiaatissanut isummernissamut tunngavissiat
- 2) Partiimut attaveqarneq
- 3) Naalackersuisup partiiiani ataatsimiinnerni peqataaneq
- 4) Ataqatigiissaarinernik politikkimut tunngassuteqartunik isumaginninneq
- 5) Naalackersuisut naalackersuisooqatigiit partiivinit assigiinngitsuneersut akornanni ataqatigiissaarineq
- 6) Inatsisartuni sulinermut atatillugu ikuiunneq, attaveqatigiinnermut suliassaagajuttartut.
- 7) Inatsisartuni ataatsimiititaliamik attuumassuteqartumik ilisimatitsissuteqarnermut/peqataatitsinermut atatillugu siunnersuineq
- 8) Siunnersuineq atorfilittanit suliatigut siunnersuinermut tapertaasussaq
- 9) Tusagassiornermik suliassat aalajangersimasut

*Imm. 3.* Immikkut siunnersortit siunnersuinerit ikuiunnerillu Naalackersuisut Siulittaasuata aamma Naalackersuisut ataasiakkaat partiimi politikkeritut inissisimaneranuinnaq tunngassuteqartut isumagisinnaanngilaat.

§ 3. Immikkut siunnersortit suliambut tamanut tunngasumut imaluunniit aalajangersimasumut sumulluunniit Naalackersuisut Siulittaasuannut aamma Naalackersuisunut ataasiakkaanut saqqummiunneqartunut imaluunniit saqqummiunneqarsinnaasunut tunngasunut siunnersuisinnaapput ikuiussinnaallutillu. Immikkut siunnersortit tamatumunnga ilaatillugu suliambi allakkianik paasissutissanillu paasitinneqarsinnaapput.

*Imm. 2.* Pisortat ingerlatsinerannut inatsisit malillugit suliassani aalajangiiffigineqartussani aalajangersimasuni, immikkut siunnersortit akuliutsinneqarnissaannut

kinaassusersiunngitsumik tunngavissanik pisariaqartunik peqarnerseq ataasiakkaatigut naliliineq apeqqaataassaaq. Tamatumani immikkut pingaartinneqassaaq suliap politikikkut sunniutissai pillugit siunnersuinissaq pisariaqartinneqarnerseq aammalu tusagassiuutit attaveqaqatigiinnerlu pillugit siunnersuinissaq pisariaqartinneqarnerseq.

*Imm. 3.* Immikkut siunnersortasut sulisut pillugit suliassani aalajangersimasuni imaluunniit isumaginninnermut peqqinnissamullu inatsisit, inuussutissarsiormermi tapersiisarnermut inatsit aamma ineqarnermut tapersiisarnermut inatsit naapertorlugu suliani aalajangersimasuni ikiuutissanngillat.

#### *Paasiniaavissat il.il.*

§ 4. Immikkut siunnersortit aaqqissuussaanikkut Naalackersuisoqarfiup atorfilittanut immikkoortortaani inissisimasussanngorlugit atorfinitsinneqassapput. Immikkut siunnersortit allaffissormikkut Naalackersuisoqarfimmi pisortap aqutsinnermut akisussaaffiata ataaniissapput. Naalackersuisoqarfimmi pisortap Naalackersuisut ataasiakkaat peqatigalugit malittarisassat, immikkut siunnersortit naalackersuisoqarfimmi sulisut sinnerinik suleqateqarnerminni malitassaat, aalajangersassavai. Immikkut siunnersortit atorfilittanut nalinginnaasunut suliakkersuisarnissamik pisinnaatitaaffeqartinneqanngillat.

§ 5. Immikkut siunnersortit inatsisinik malinninnissaq, ilumoorneq aamma sulianut tunngatitsinissaq pillugit tunngaviusut nalinginnaasut malittussaavaat. Immikkut siunnersortit inatsisit sukulluunniit atuuttut malinnissaannut pisussaaffeqarput, ilanngullugu nipangiussisimasussaataitaaneq pillugu maleruagassat nalinginnaasut imaluunniit immikkut ittit.

*Imm. 2.* Immikkut siunnersortit pinerluttulerinnermut inatsimmi aamma pisortat ingerlatsineranni suliassanik sularinnittarneq pillugu Inatsisartut peqqussutaanni, inunnet pisortat ingerlatsiviisa iluanni sulisuusunut nipangiussisimasussaataitaaneq pillugu maleruagassanik malinnittussaapput. Nipangiussisimasussaataitanerminni tassani ilaapput ilaatigut inuit ataasiakkaat inuttut atugaannik mianerinninnissaq, taamatullu pisut malillugit nipangiussisimasussaataitaaneq tunngavilersorneqarsinnaappat oqartussaasut suliffiup iluani aalajangiiniarneranni suliat ingerlanerannik mianerinninnissaq. Nipangiussisimasussaataitaaneq aamma atorfeqarunnaareernerup kingorna atuuppoq.

#### *Atorfinitsitsineq*

§ 6. Naalackersuisut Siulittaasuat aamma Naalackersuisoq Naalackersuisoqarfimmi politikikkut qullersatut akisussaasutut immikkut siunnersortinik atorfinitsitsinnaapput.

*Imm. 2.* Immikkut siunnersortinik atorfinitsitsineq atorfimmik inuttassarsiuilluni tamanut ammasumik allagarsiussaqanngikkaluarluni pisinnaavoq. Kingusinnerpaamik ulloq immikkut siunnersortip sulilerfia eqqorlugu immikkut siunnersortip atorfininnera [www.naalackersuisut.gl](http://www.naalackersuisut.gl)-imi tamanut ammasumik saqqummiunneqassaaq. Immikkut

siunnersortip tunuliaqutai aamma piginnaasai kiisalu suliassaattut eqqarsaatigineqartut pillugit naatsumik nassuiaat, tamanut ammasumik saqqummiinerup imarissavaa.

*Aningaasarsiat atorfeqarnermilu atugassarititaasut*

§ 7. Immikkut siunnersortit aningaasarsiaat soraarnerussutisiassaallu allaffimmi pisortamut akissaasersuineranut naapertuutissapput.

*Piffissaq suliffiususaaq*

§ 8. Piffissaq suliffiusoq aallaaviatigut sapaatip akunneranut nalunaaquttap akunnerinik 40-inik sivisussuseqarpoq. Sulineq sapaatip akunnerata ingerlanerani ullut tamaasa ingerlanneqassaaq. Sapaatini nalliuttunilu sulineranut aamma sulinngiffeqarfissani sulineranut immikkut ajunngitsorsiassaqaqtitsisoqassanngilaq. Immikkut siunnersortit qaammatini pingasuni nalunaaquttap akunneri 80-it piareersimanissamik pisussaaffeqarput. Qaammatini pingasuni nalunaaquttap akunnerisa 80-it saniatigut qaangiuttoorluni sulineq, maleruagassat qaqugukkulluunniit atuuttut naapertorlugit akilerneqassaaq.

*Ineqarneq*

§ 9. Immikkut siunnersortitut atorfimmuut atasumik, isumaqatigiisummi isumaqatigiisuteqartoqarsimanngippat, inissiamut innersuunneqarnissamut pisinnaatitaaffeqartitsisoqanngilaq. Inissiamut innersuussisoqartussaasimappat, Namminersorlutik Oqartussani maleruagassat qaqugukkulluunniit atuuttut naapertorlugit tamanna pissaaq.

*Atorfeqarunnaarneq*

§ 10. Immikkut siunnersortitut atorfeqarneq Inatsisartunut qinersinissap nalunaarutigineqarnerani imaluunniit Naalakkersuisumik nutaamik toqqaanermi (ilanngullugu suliassaqaqarfinnut akisussaaffiit allanngortinneqarnerannut aamma nikerartitsinermut ilaatillugu) atorunnaassaaq. Immikkut siunnersortitut atorfik tassunga atatillugu piffissami aalajangersimasumi atorfiuvoq.

*Imm. 2.* Inatsisartunut qinersinissap nalunaarutigineqarnerani imaluunniit Naalakkersuisumik nutaamik toqqaanermi immikkut siunnersortip atorfeqartinneqarnera, sulisitsisut aamma atorfillit akornanni inatsisitigut pissutsit pillugit Inatsisartut inatsisaat naapertorlugu ilimasaarinikkut atorunnaassaaq, aammalu immikkut siunnersorti piffissami tassani suliunnaarsinneqassalluni.

§ 11. Immikkut siunnersorti atorfeqarnerup atorunnaarneranut suliunnaarsinneqarneranullu atatillugu allakkatigut pissutsit pillugit ilisimatinneqassaaq. Kaajallaasitamut matumunnga

ilanngussatut, ilisimatitsissutitut allakkat nalinginnaasut ilanngunneqarput, immikkut siunnersortimut Inatsisartunut qinersinerup imaluunniit Naalakkersuisumik nutaamik toqqaanerup malitsigisaanik soraarsitsinermi aamma suliunnaarsitsinermi aggiullugit tunniunneqartussat imaluunniit tammarnaveeqquserlugit nassiunneqartussat.

*Imm. 2.* Immikkut siunnersorti soraarsitsinermut allakkat tigoreernerisa kingorna allaffimmi pigisaminik poortuinissamut periarfissaqartinneqassaaq, tamatumalu kingorna pineqartup kingusinnerpaamik ulloq taanna Naalakkersuisoqarfik qimassavaa. Naalakkersuisoqarfiup peqatigisaanik matuersaatit, isernissamut kortit il.il. tigussavai. Immikkut siunnersorti qineqqusaarnerup nalaani Naalakkersuisoqarfimmut ulluinnarni isertassanngilaq.

§ 12. Immikkut siunnersorti suliunnaarsinneqarnerup nalaani Namminersorlutik Oqartussat qarasaasiatigut attaveqaataannut aamma e-mail-iinut il.il. isersinnaassanngilaq, taamatullu Namminersorlutik Oqartussat qarasaasiatigut attaveqaataannut avataaniit attavilerneqarsimappat taanna atorunnaarsinneqassalluni. Naalakkersuisoqarfiup e-mailimut nammineq akisartuq ikkutissavaa, tassani allassimassalluni immikkut siunnersorti Inatsisartunut qinersinissamik nalunaaruteqarnermut imaluunniit Naalakkersuisumik nutaamik toqqaanermut atatillugu suliunnaarsinneqarnini pissutigalugu attaveqarfigineqarsinnaanngitsoq. Naalakkersuisoqarfiup nammineerluni akisartumi immikkut siunnersortip attaveqarfigineqarnissaanut paasissutissaalersut ilisimatitsissutigisinnaavai.

*Imm. 2.* Immikkut siunnersortip oqarasuaataa angallattagaq tiguneqassaaq. Oqarasuaammi nammineerluni akisartumi immikkut siunnersorti suliunnaarsinneqarsimasoq oqaatigineqassaaq aammalu immikkut siunnersortip attaveqarfigineqarnissaanut paasissutissaalersut ilisimatitsissutigineqarsinnaallutik.

§ 13. Immikkut siunnersortit atorfearneq aamma sulisitsisut aamma atorfillit akornanni inatsisitigut pissutsit pillugit Inatsisartut inatsisaat aamma atorfinitsitsinermut inatsisini maleruagassat nalinginnaasut naapertorlugit atorunnaarsinneqarsinnaavoq.

*Suliunnaarsinneqareernermi allami atorfininneq, ilanngaaticinninneq aamma sulinngiffeqarneq*

§ 14. Immikkut siunnersorti piffissami suliunnaarsitsiviusumi Naalakkersuisoqarfimmit aningaasarsiaqartinneqassaaq. Immikkut siunnersorti piffissami suliunnaarsitsiviusumi allamik suliffeqalernissamut pisinnaatitaavoq, aammalu taamatut suliffeqalernerneq tassanilu isertitat pillugit Naalakkersuisoqarfimmut allakkatigut nalunaarutigissallugit.

*Imm. 2.* Naalakkersuisoqarfiup piffissami suliunnaarsitsiviusumi nutaamik suliffeqalernerneq isertitat ilanngaaticissavai. Taamaattoq immikkut siunnersortip suliunnaarsinneqarnissaq sioqqullugu saniatigut sulinermit isertitai piffissami suliunnaarsitsiviusumi taama annertutigiinnarlutik (allannguuteqaratik) ingerlaannartut ilanngaaticineqassanngillat. Suliunnaarsinneqarnermut atatillugu saniatigut suliaqarneq allannguuteqarpat, immikkut siunnersortip tamanna pillugu Naalakkersuisoqarfik ilisimatissavaa, aammalu tamakkiisumik ilanngaasiisoqassalluni.

§ 15. Immikkut siunnersorti Inatsisartunut qinersereernerup imaluunniit Naalackersuisumik nutaamik toqqaareernerup kingorna atorfimmut tassunga imaluunniit Naalackersuisoqarfimmi atorfimmut assingusumut uteqqippat, aningaasarsiarineqartut atorunnaassapput. Taamaalluni atorfimmi tassani imaluunniit Naalackersuisoqarfimmi allami atorfimmi assingusumi atorfininnermut atatillugu marloriaammik aningaasarsiaqartitsisoqarsinnaangilaq.

§ 16. Sulinnigiffeqartarnek pillugu Inatsisartut inatsisaanni § 9, imm. 1-imi piffissat sulinnigiffeqartarnerlu taaneqartut, piffissami suliunnaarsitsiviusumiissinnaappata, sulinnigiffeqarnissap aalajangerneqareersimanera apeqqutaatinnagu, sulinnigiffeqarfissat tamarmik sulinnigiffeqarfigineqareersimasutut isigineqassapput.

§ 17. Piffissami suliunnaarsitsiviusumi sulisitsisumit nutaamit aningaasarsiat piffissami sulinnigiffeqarfissat sinnerisa aamma sivisunerusumik sulinnigiffeqarfissap nalunaarutigineqarnissaannut piffissaliussap qaangiutereernerani katersorneqarsimasut aammalu piffissami sulinnigiffeqarfissat sinnerisa aamma sivisunerusumik sulinnigiffeqarfissap sivisussusaa, aningaasarsianut ilanngaatigineqassanngillat.

#### *Uternissamut pisinnaatitaaneq*

§ 18. Immikkut siunnersortitut atorfeqarnissamut Namminersorlutik Oqartussani sulisoq qinnuteqarnermigut aningaasarsiaqarani sulinnigiffeqarnissamut pisinnaatitaavoq. Taamaattorli Naalackersuisoqarfimmi sulisup atorfeqarfigisaani immikkut siunnersortitut atorfininnissamut aningaasarsiaqarani sulinnigiffeqarnissaq akuerineqarsinnaangilaq.

*Imm. 2.* Aningaasarsiaqarluni sulinnigiffeqarnissaq maleruagassat aamma allaffissornikkut suleriaatsit atuuttut naapertorlugit allatigut akuerineqarsinnaavoq.

#### *Atuutsitsilerneq*

§ 19. Kaajallaasitaq ulloq 1. januari 2014 atuutilerpoq.

*Naalackersuisut Siulittaasuata Naalackersuisoqarfia, ulloq*

  
Svend Hardenberg

  
Mininguaq Kleist

Ilanngussat:

Isumaqatigiissut nalinginnaasoq,

Ilisimatitsissutitut allagaq nalinginnaasoq

Allakkat ilisimatitsissutaasut nalinginnaasut

Immikkut siunnersortip aqqa

Ulloq

Ullumi ulloq Inatsisartunut qinersinissaq nalunaarutigineqarpoq

imaluunniit

Ullumi ulloq <suliassa qarfimmu> Naalakkersuisoq nutaaq toqqarneqarpoq.

Taamaattumik ilisimatitsissutigissavara illit ulloq 1. <qaammat> <ukioq> aallarnerfigalugu <taaguut > Naalakkersuisoqarfimmi <immikkut siunnersortitit > sulininnit soraarsinneqartutit. Ullumi ulloq aallarnerfigalugu piffissami atorfeqarnerup atorunnaarnissaata tungaanut suliunnaarsinneqarputit. Atorfeqarnerpit atorunnaarsinneqarneranut atatillugu aammalu piffissami suliunnaarsitsiviusumi atugassarititaasut atorfininnermut isumaqatigiissuteqarninni allassimapput.

Piffissami suliunnaarsitsiviusumi Naalakkersuisoqarfimmu ulluinnarni isertarsinnaanngilatit. Tamatuma saniatigut Namminersorlutik Oqartussani attaveqaatinut aamma e-mailikkut allakkanut isersinnaassanngilatit. Taamaattumik ullumi ulloq aallarnerfigalugu e-mailikkut allagarsisinnaanerit matuneqarpoq, taamatullu Namminersorlutik Oqartussani attaveqaatinut isersinnaajunnaarsinneqarlutit. Tassunga atatillugu ilisimatitsissutigineqarsinnaavoq, e-mailikkut allagarsisarfiit nammineerluni akisartumik ikkussivigineqarmat, tassani allassimalluni Inatsisartunut qinersinissamik nalunaaruteqarnermut / <suliassa qarfimmu> Naalakkersuisumik nutaamik toqqaanermut atatillugu suliunnaarsinneqarnerit pissutigalugu attaveqarfigineqarsinnaanngitsutit. Taamatuttaaq oqarasuaatinnut angallattakkamut oqarasuaammi nammineerluni akisartoq ikkunneqarpoq.

Makkua piaartumik tunniuteqquneqarput uunga <taaguut> <ateq>, <immikkoortorta qarfik>:

Namminersorlutik Oqartussat allaffeqarfiinut isersinnaanermut korti aamma matuersaatit.

Qarasaasiaq angallattagaq, tablets, oqarasuaat angallattagaq il.il.

Peqatigisaanik allaffiit nammineerlutit pigisatit tigullugit imaaqquneqarpoq. Tamatuma kingorna suliffik qimaqquneqarpoq.

Piffissami suliunnaarsitsiviusumi tamarmi allamik suliffeqalernissamik piginnaatitaavutit. Taamaattorli allamik suliffeqalissaguit tamanna tassanilu isertitatit pillugit allakkatigut paasissutissiinissamut pisussaaffeqarputit, pissutigalugu atorfininnermut isumaqatigiissutit naapertorlugit piffissami suliunnaarsitsiviusumi nutaamik suliffittaarninni isertitatit aningaasarsianut Naalakkersuisoqarfiup ilanngaatigisussaammagit.

Ilanngaatiginninnermut atatillugu matumani erseqqissarneqassaaq, qinersereernerup imaluunniit Naalakkersuisumik nutaamik toqqaareernerup kingorna aammalu atorfeqarnerup ingerlaannarnerata malitsigisaanik, atorfimmut tassunga uteqqikkuit imaluunniit Naalakkersuisoqarfimmi allami atorfimmi assingusumi atorfinikkuit, piffissamit atorfimmut tassunga uteqqinninnit imaluunniit atorfimmi assingusumi atorfininnermit, maannamut aningaasarsiarisimasannut pisinnaatitaaffeqarnerit atorunnaartussaammat.

<Naalakkersuisoqarfiup tassani sulinngiffeqartarnermut inatsimmi § 9, imm. 1-imut naapertuuttumik sulinngiffeqarfissat piffissami suliunnaarsitsiviusumi sulinngiffeqarfigineqareersimasutut isigineqartut pillugit paasissutissat ilanngussinnaavai - allanneqassaaq sulinngiffeqarneq tamarmi imaluunniit ilaannaa sulinngiffeqarfigineqarsimasutut isigineqarnerisooq. Tamatumunnga sulinngiffeqartarnermut inatsimmi § 9, imm. 1 apeqqutaavoq>

Inussiarnersumik inuulluaqqusillunga